

杞縣志



札縣志目錄

卷之一

聖製

卷之三

天文志

星圖  
補具

分野

躔度

星氣

彗星

卷之三

地理志上

沿革

封疆

古蹟

卷之四

地理志下

疆域

山川

水利

卷之五

紀原志

目錄

卷之六

建置志

城池  
公署

學宮  
壇廟

書院  
寺觀

衙署  
坊表

倉庫  
橋梁

禮樂志

秩祠

鄉飲

卷之七

田賦志

賦稅  
支發

漕糧  
河夫

戶口  
鹽課

地畝

存留

卷之八

風土志

風俗

物產

卷之九

職官志

刺史  
訓導

縣令  
各宦

縣佐

治屬

教諭

卷之十

選舉志上  
舉人

卷之十一

選舉志下

秀才  
武科

恩拔  
誥封

副歲  
任子

例貢

例監

卷之十二

武備志

兵防

舟戰

烽埃

驛遞

軍衛

卷之十三

人物志一

古聖

名儒

忠烈

直諫

卷之十四

人物志二

事功

循績

卷之十五

人物志三 孝友 篤行

卷之十六

人物志四 文苑 武功

卷之十七

人物志五 隱逸 善良

卷之十八

人物志六 游俠 流寓 方伎 耆農

卷之十九

列女志上 后妃 名媛 義烈 烈女 烈婦  
孝女 孝婦 賢婦

卷之二十

列女志下 曾如

卷之二十一

藝文志一

碑記

卷之二十二

藝文志二

銘 讚 頌 疏 表 傳 序 文 辨 引

卷之二十三

藝文志三

詩歌

卷之二十四

叙錄志

舊志序

書籍目

舊修志姓氏

杞縣志卷之十五

人物志三

孝友

篤行

孝友

自自古聖經賢傳所稱自天子以至庶人莫先於  
孝弟孝弟亦大矣哉雖匹夫一節而精誠所結意  
氣所鍾往往足以動天地泣鬼神用以振頑起懦  
激勸末俗非苟焉已也舊志以樂善好施者攬入  
此門殊失輕重茲特加意釐剔嚴謹編錄使人知  
真修至行之不可假云

東漢



木果元 卷之一 五  
高式圍人慎之子也性至孝嘗盡力養父永初中  
螟蝗爲害獨不食式麥人以爲孝所致云圍令周  
疆以表州郡太守楊舜舉式孝子讓不行後以孝  
廉爲郎

後魏

主崇字乾邕兄弟並以孝稱身勤稼穡以養二親  
杜梁州鎮南府主簿母亡杖而後起髻髮墮落未  
及葬權殯宅西崇廬於殯所晝夜哭泣鳩鴿羣至  
有一小鳥素質黑眸形大如雀栖於廬不去母喪  
始闋復丁父憂哀毀過禮是年夏風霍所經處禽

獸暴死草木摧折至崇田畔風雹便止禾麥無害  
及過崇地無不損落者咸稱至行所感崇雖除服  
仍居墓側其室前生草一根莖葉甚茂人莫能識  
至冬復有鳥巢於崇屋乳養三子毛羽長馴而不  
驚守令聞之親自臨視州以聞奏表其門閭

元

許彬字伯英元末亂離與父相失莫知所之語其  
子曰吾親失所安忍獨存乃一慟而絕祭酒四明  
陳敬宗題其墓曰純孝碑在墓側

劉德泉元時與異母弟居敬同居友愛異常歲饑

父使析居及父卒仍同爨事聞詔表其閭

明

高朗字顯明永樂時人執親喪醯醬不入口廬於墓側手種樹八百餘株每客至必先有鳩鳴其上里人奇之事聞旌表

張珍字仲寶成化時人性至孝母疾衣不解帶朝暮齋省母思食桃乾珍謁濟瀆神池拜求果應歸奉母疾尋愈鄉人以為孝感後母亡哀毀幾絕夫妻不相見不食鹽醬者三年及喪父亦如之成化十一年叅政李衍聞珍孝行獎異殊優卒年八十

五歲

祖曰林辭財榮

邊雲鵠嘉靖時人蚤失父母依太母常氏爲生鵠  
事之惟謹一日太母病篤鵠嘗糞以覘燥濕太母  
一夕思啖搗肉時方大雪鵠度不可得乃焚香籲  
天剖左股充搗羹以獻太母食之疾果愈後數年  
方卒鵠廬於墓側負土成邱時有白兔岐麥瑞穀  
之異人以爲孝感所至事聞詔旌其門卒年八十  
五歲

吳尙智父憲母李氏相繼病故尙智廬墓側嘉靖  
中師尙詔彝亂居民悉逃竄避難尙智獨居墓所

不去鄉里稱之後又捐粟百餘石以濟貧民人呼  
爲孝義之家

黃甲乙父金錫爲雲南維摩州吏日赴京至沅州  
病故母李氏遺腹生甲乙守節自誓甲乙讀書爲  
邑諸生痛父客死遂至沅州負父骸歸葬辛苦備  
嘗人稱其孝縣官土其事於兩臺題請旌表

趙忠嘉靖時爲諸生父文秀病死忠年僅十四侍  
養孀母徐氏辛苦萬狀隆慶二年母疾歷投諸藥  
不效一日院內有榴忽枯死忠念榴爲母乳諱不  
鮮乃夜焚香榴下籲天願以身代踰月枯榴復榮

母病尋愈人以為至孝所感母卒於墓側結廬朝夕哭奠負土成邱遠近觀者甚眾督學使為表其閭

聶秀神宗時人年十二歲廬伯父之墓掘地得錢百萬餘盡輸於官以佐修營之費一文不取

何登山號月亭神宗時人幼當析箸值歲饑母胡氏憐其弱私厚百金登山弗受集諸兄均分之幼廢學及長為治生計嘗嚴而預雞鳴起勤耕桑果蔬六畜之務無棄物以故不十年貯積數十倍買田數百頃然終身布素親族有婚喪不給與貧不

能舉火者輒悉力助之有新置田千畝直千金時  
孝廉孟紹虞初獲雋居業無資登山遂出原券授  
之不責值後虞登第官侍郎始償其直人咸義之  
中允劉理順久困公車抱沉疴人咸易之登山獨  
識其爲大器有莊宅延與同居餽贈無虛日侍御  
孔貞一羅文英與登山爲齡齡交貞一早貴登山  
足不履其門約婚姻婉辭之文英晚達曾貸登山  
五百金置產及文英卒登山痛悼有加不言所貸  
其慷慨好施類如此崇正乙亥寇亂邑中初議城  
守登山首倡捐金五百兩粟八百石知縣黎玉田

申表其閭後以贊授京衛鎮撫未任卒年八十二  
子東昇孫卽光詳科貢門

國朝

李登璉年十六喪母事父宗孟寒暑節食無失色  
夜必寢牀下以候伸欠雖喪亂播遷未嘗離左右  
父歿璉年已六十孺慕不衰營葬畢結廬墓側奉  
主廬內茹苦食粥朝夕哭拜上食如初喪時負土  
成墳墓旁有麥秀兩岐之異服闋終不返舍康熙  
甲子卒於廬中縣令給匾旌其門

馬體乾字行健其昌嗣子也幼以孝聞父卒於官



扶櫬旋里經洞庭湖風浪大作舟幾覆體乾抱棺  
仰號俄而風息人皆以爲至孝所感抵舍善事嗣  
母教養弟姪生平好學弗輟康熙乙丑成進士每  
與生徒講孝經反復不倦俾人人各暢厥旨一時  
學者咸奉以爲宗云

范選父爲捕役奉檄緝盜山東曾盜以賄脫翻  
其名入案鍛鍊成獄解往他州選時年十五聞之  
括家財繼至山東遇父逆旅多方悅解役夜以  
堊印鎖尾燒出製鑰三易而後符解役覓其幼弗  
爲備一夕市牛酒飲之度已酣寢選乃啟鎖馳械

負其父奔比至海濱爲酒家傭以養其母事結方歸

孟罔驥字閑之天性孝友爲人直諒剛方常欲效古人佩韋以自箴戊子領鄉薦聲名藉甚里有事關利害咸推建議輒挺身向縣尹言無所顧畏縣尹亦敬憚之先是明季癸未從父避難淮陰至中道囊橐將盡兄弟方欲爲析爨計驥每中夜啼泣曲爲調傳父弗知也一日忽夢同里劉中允持一卷上有硃圖相示曰此令三郎君不忍骨肉離析心血所成及寤以告諸子皆慟哭父聲曰誠有

是遂決意相守故自流離數載迄歸鄉井兄弟不  
歎參商者皆其力云同邑宋氏有城宅一區求售  
宅約四分既交價矣赴宅看驗矍然曰彼亦宦裔  
也何遽無立錫地乎即日易券除房一分與宋君  
而價不求減厥後宋氏轉鬻此房得價二百金驪  
所遺也新安焦賈嘗貸驪金數年資垂盡且年七  
十驪惻然取券焚之不責其償生平輕財重義類  
如此庚戌考選注授知縣將及期卒年六十九隴  
陽湯司空誌其墓

馬之驛字子遠性孝友事親勤色養凡可娛親者

必力致父歿有遺產城宅百餘間田千畝悉讓其弟之驥驎性豪蕩費輒盡驎仍代納其田租數歲後田宅鬻盡驎仍以已田資其衣食有林氏妹家貧不能舉火驎撥膏腴百畝以贖之終其身甲申以選貢授績溪知縣未任旋里會巡撫具三則勸墾疏驎遞呈首其事賦額得減里中有爭訟不平者樂爲調停歸於敦睦人皆目爲甘草云

王嘉慶者其先大梁人也徙居於杞遂爲杞人至明季攜家避難於汴闖寇圍城久弗克引河灌之時城中乏食已數月繼以大水葬魚腹者不可勝

計嘉慶與其親隣十餘家共結一筏不下數十日  
筏不能勝共議各沉一口方有濟嘉慶夫妻外  
子一弟衆欲慶沉弟嘉慶泣曰若爾吾何面目見  
先人於地下乎語曰子死還可生兄弟難再得於  
是割愛竟沉其子且慰妻曰毋悼吾夫婦尙壯天  
必不殄吾祿也同筏之人歛歔感慨已而救民舟  
至出囊金二百兩俾一筏之人咸脫水厄距今四  
十餘年絕口不言其事人亦罕知之者

侯邦寧字汝固干趙孫應瑜嫡子也性孝友穎異  
絕倫讀書日數行下幼失恃每念及痛定思痛稍

長隨父任山左執經講業學藝精進爰補博士弟子員試歷前茅聲華藉甚父罷官歸清風兩袖食指日繁邦寧百計經理不遺父憂父病不起籲天祈代一切扶持醫藥求到婢僕手數月父沒羸瘠董喪事哀禮兼盡撫諸弟俾各成立而後安父所遺遺負業產全償不以爲先人累且輕財尙誼邑庠友王春普以質鹽負金數百火券慰之閩人卹五玉來訪黃少詹不遇窮途窘迫邦寧遇之解衣推食有先正脫驂風明末羣盜蠭起凶荒荐臻賦債日促乃盡室避地河朔米珠薪桂極人生所不

堪而公處之晏如也

皇清定鼎四海昇平躬耕瓦塚廢疇與田夫野老日以  
孝弟睦嫺任郵相孚邑中凡大務必造廬商確邦  
寧每條分利害福庇桑梓闔邑愛戴之少好學書  
有鍾王法至今人得其片紙以爲珍七舉鄉飲大  
賓年八十六卒著有汝固集四卷冢子體巽字順  
甫號慎菴邑庠生孝友性成有父風焉好學善詩  
家藏偶吟集一卷父鄉飲公棄產爲親償債外只  
餘地六頃體巽盡以讓幼弟體復人咸稱之年七  
十八卒長孫元棐成順治辛丑進士由德清縣知

縣陞內閣中書侍孫及萊康熙壬子舉人授裕州  
學正曾孫方曾康熙甲子舉人考授內閣中書五  
世一堂登邀

封典後人咸謂孝友之報云

侯運昌字敬韋體蒙次子也少穎異氣清而質厚  
年十一爲時文輒多驚人語十五爲詩古文詞人  
爭傳誦然昌雅不欲以此自鳴嘗慨然以聖賢爲  
可學而以克己慎獨爲要日夜驚惕或雜念起卽  
切齒椎心引手自撾其股其刻苦如此事親至孝  
母嘗抱危疾昌夜半潛刺臂血爲文禱神願以身



代諱朝母疾遂瘳兄運盛弟運隆均以文行重於鄉伯仲怡怡友愛自首無間言古禮久廢昌以爲復古化俗必自躬行始其居喪三日不食哀毀骨立不用浮屠不設鼓樂三年不入內四仲設祭家廟齋戒灌獻如儀子女婚嫁必行六禮不與俗同丙寅以選貢遊太學歸而研精六藝尤邃於易著周易卽心圖贊實有獨得之見發先儒所未發者子洛字企淳學行卓有父風自童試迄入庠食餼屢冠其曹文名藉甚所著有貯虛堂詩集

趙可久字松喬彥復曾孫天性純篤八歲失怙恃

哀毀骨立見者皆爲流涕祖母春秋高奉事唯謹  
厯二十餘年依依膝下有李令伯之風焉祖母卒  
治喪營葬曲盡哀禮爲父母謀窀穸做精勞神厯  
三十年不懈卒獲善地事再從兄宣進無間言卽  
池人同胞猶不能及痛母烈婦孟氏早世所遺簪  
珥衣服悉珍藏之年旣老每一啟視猶悲不自勝  
曰吾奉此如入父母之懷也曾祖彥復輯梁園風  
雅一書行世經兵燹缺數十頁久走四方購善本  
補爲完書晚年任兵部司務老成端謹大司馬深  
器重之有妹適黃氏中年而亡三子家貧無依久

皆爲婚娶給以職業至病革猶囑其子充實等善  
遇之邑中言孝友者咸推服焉

曾之惠字仁寰少孤事母極孝母病潛自嘗糞惟  
恐人知親侍湯藥目不交睫者數十日母沒四壁  
蕭然親駕靈輓以葬故人袁明寰憫其孝嘗欲借  
資以助營運伊以恐去親墓遠有誤祭掃辭負土  
添墳朝以繼夕至今八十餘載而墓之巍峩如嶺  
年七十二歲忽生黑髯數十根形如臥蠶理之長  
尺許識者皆以爲孝感後八十五歲卒

陳輔周正德時人袁偉正德時人李國用嘉靖時人彭如松

鄭重樓 侯林 邵子才 宋遇科

李康 鄭恕 王自親康熙時人

為父割股者九人

范乘鵬神宗時人鄭九德 楊輔興 丁一顯

張其綱 許國祚崇禎時人劉仁閣順治時人和展方

曹爨庠生

為母割股者六人

范我馳順治時人李桂 張顯 陸京

康用錫 顧雲雷

木鼎元 卷之十五  
為祖母割股者一人

劉盡忠 以上皆近代人舊志割股不載

篤行

歐陽公五代史有所謂一行傳者嗟乎丈夫處世  
實行爲難苟飭修勵行而終身樹立有一二端無  
愧古人斯亦難矣又况乎不止一二者耶乃或以  
名位家世察微棄而不錄與人爲善之謂何因爲  
搜索境內採而錄之以備興起云

東漢

高慎字孝甫國人父固不仕王莽爲淮陽太守所

害以烈節垂世慎敦厚少文有深沉之量撫育兄  
子五人恩義甚篤瑯邪相何英嘉其行履以女妻  
焉慎歷二縣令東萊太守老病歸家草屋蓬戶甕  
缶無儲其妻謂之曰君累經宰守何弗少爲儲畜  
以遺子孫慎曰我以勤身清名遺之不亦可乎

蔡朗字仲明勲族孫也章帝時以魯詩教授生徒  
遠近雲集元和元年徵拜博士舒演奧秘贊理闕  
文有功典籍遷河間中尉瑯邪王傳

黃真字夏甫桓帝時人吳祐舉孝廉將行郡中爲  
祖道祐越次與真歡語定交而別功曹以祐倨請

黜之太守曰吳季英有知人鑑卿且勿言真後亦  
舉孝廉世稱其清節

魏

蔡充字子尼少好學體貌尊嚴莫有媒媪於其前  
者高平劉整有雋才而車服奢麗謂人曰紗縠人  
常服耳及遇蔡子尼在坐終日不自安其見憚如  
此

晉

范宣字宣子丹之裔也年十歲能誦詩書常以刀  
傷手捧手改容人問痛耶答曰非也但全受之體

而致毀傷不可處耳少好學手不釋卷遂博經史  
書尤善三禮家至貧儉躬耕養親親沒負土成墳  
廬於墓側太尉郝鑒以爲主簿詔徵太學博士散  
騎郎並不就家於豫章太守殷羨見宣茅茨不完  
欲爲改宅宣固辭之廩爰之以宣素貧加年荒疾  
疫厚餉給之又不受宣雖閑居屢空常以誦讀爲  
業譙園戴逵等皆聞風宗仰自遠而至諷誦之聲  
有若齊魯著禮易論難皆行於世子輯厯郡守國  
子博士大將軍從事中郎自免歸亦以講授爲事  
義熙中連徵不至別傳云韓豫章遺宣絹百疋不



受減至一疋亦不受韓後與宣同載就車中裂二  
丈投之曰人可使婦無禪耶宣笑而受之

江淳字思俊統之子也孝友淳粹高節邁俗性好  
學儒元並綜每謂君子立行以禮而動若放達不  
羈以肆縱爲貴者道之所棄也乃著通道崇儉論  
世咸稱之蘇峻之亂避地東陽山太尉郗鑒征西  
將軍庾亮屢辟之皆不就邑里宗之有事必咨而  
後行東陽太守阮裕長山令王濛皆一時名士與  
淳游並相欽重永和九年卒交朋相與刊石立頌

以表其德云

五代

高頔字子奇後唐清泰中舉進士同輩給之曰何不從裴僕射求知乎時裴皞以左僕射致仕後進無至其門者頔性純朴信其言以文贄於皞明年禮部侍郎馬裔孫知貢舉乃皞門下生也皞以頔語之遂擢乙科四遷魏博觀察支使周顯德中符彥卿奏爲天雄軍掌書記時太宗至大名彥卿遣頔迎候日夕陪接尤伸款好後以病免居於魏雍熙三年太宗親試貢士頔子南金舉學究以陳以父老求賜一第上問其父何人宰相宋琪以頔

且言其素行廉潔老而彌篤甚爲搢紳推重上曰  
此高頓子耶頓在大名幕中嘗與朕遊處晨暮對  
按飲食常拱手危坐未嘗少懈其恭謹蓋天性也  
惜其老矣不欲煩以官政卽擢南金第拜頓左補  
闕致仕賜錢十萬卒於家頓有清節力學強記書  
寫千餘卷彥卿待之甚厚或過致優給頓計口受  
費餘皆不納魏人愛之所乘老馬以糜飼之僕夫  
年七十待之如初時稱其長者次子鼎舉進士

殿中丞

明史卷一百一十四

明

無思字惟孝身卑人性介氣傲不求仕進日以  
書史自遺士大夫皆高其風節嘗謂人曰言語宜  
謹飲食宜節時人皆笑之及鄉人或以言語得罪  
或以飲食違疾乃歎其爲格言云年九十五卒

吳傑字漢甫正德乙卯領鄉薦性行孤介律身廉  
潔家貧躬耕自給母亡不能葬適流賊至居民皆  
逃傑獨守母柩不去賊歎曰孝哉戒勿犯後爲臺  
關令布衣脫粟清苦尤甚故人有欲以私薦者力  
卻之曰使我賢也薦不必公使我不賢也公何薦  
爲後卒於官至無以爲殯同官有賻之者其妻曰

本縣元  
卷之十一  
五  
吾夫生平不愛一錢豈以死而易哉竟不受

黃瑤字廷印正德三年貢授江夏訓導丁內艱復  
除華陰陞白水教諭性端雅剛方持身毫不肯苟  
教士動以禮法綽有師範居鄉耿介不污凜然有  
表正之風焉

李履繩字少游嘉靖庚子領鄉薦性純篤不喜治  
家人生產事親以孝聞祖遺田產盡讓於弟雖簞  
食陋巷晏如也時直指按部至杞表其門曰真孝  
廉里人無少長皆稱爲寬厚長者初仕當陽廉靜  
著聲後以不善事上官罷歸卒於家年八十一

李思進字建伯嘉靖甲子以諸生應試省中有曹氏嬖妾侵晨逃奔旅邸思進詢知卽居之別室令人投刺還之人以爲難後以明經爲咸陽丞卒年七十七

李思孝以鬻軸爲生業邑人陳喬負租銀八金督催甚急喬計無所出欲鬻其二女女牽母衣啼泣欲絕思孝見之不忍歸索篋中僅七金轉貸一金以完其租喬持券以女與思孝思孝歎曰吾不忍離若骨肉故償若金苟遂受若女是因便圖利之也離別之苦寧能免乎終不受

孟紹康字安克神宗癸丑進士例授知縣因性厭繁劇改授揚州府學教授廣陵諸鹽賈子弟新列鬻序者率以百金副羔雁紹康盡卻之由是士風丕變始知有廉讓乙卯陝西聘同考號稱得士尋移六館後陞南京兵部主事累遷郎中南中諸弁營求陞遷類皆以賄進者紹康嚴絕苞苴流品一清病假還里囊無餘金至今人稱其清介云

張志字止矩萬曆戊午領鄉薦家貧孝於親動遵禮法不爽尺寸邑有端人之目

耿天眷字維明爭光季子也七月而孤及長博涉

經史補邑庠員明末冠起者曾鑿澤清石置墓於  
叅贊軍務後察澤清反覆乃力辭歸里主僕力作  
藝花木終日咏吟自娛聚經籍百家言數千卷親  
族間有良子弟躬爲教授館於家者給饗殮十餘  
年無倦色族孫念劬登進士號博雅皆其扶掖力  
也

趙繼舜字厯元幼孤廬墓三年孝行可風撫弱弟  
恩義兼至家人於道拾遺金舜命還之天啟乙丑  
歲貢厯官歸德教授教士以禮捐俸修學宮著有  
遊宋文集歸後周急濟貧邑人稱爲古君子焉



國朝

馬呈彩字君白早孤事繼母彭至孝母疾夜禱於天祈減已年以贈母壽母病尋愈順治丙戌領鄉薦旅寓開州遇同鄉人有女鬻於他姓而原聘之人適至鬻女者倉皇莫對呈彩憐之爲出金贖歸俾完聚焉又有貧而鬻其妻者呈彩亦代贖之己亥授內鄉教諭內鄉張所志富室也上官欲啗之嗾呈彩揭申呈彩弗忍曰吾不敢殺人以媚人也事遂寢轉彰德府教授日聚諸生講論不輟冬所培植尋移病歸卒年八十九

徐宣字公著樂子忠誠敬謹樂善好施尤敦戚族  
邑有公事輒慷慨敢言善屬文弱冠補博士弟子  
員乙巳選舞陽訓導自以年老力辭藩憲目爲高  
士

張心易字允中父三捷邑庠生因母病訪書遂精  
其術有求者輒應手而愈然性亢直雖達官貴人  
前不苟俯仰人皆敬服心易幼穎異善屬文年未  
弱冠爲諸生雖遭離亂仍備色養邑令旌其孝行  
尋以選貢授陝西秦州同知居官廉直不阿副使  
于忌其形已短數以事寤之先是州諸生例運墨

陽軍需二百石路險費繁往年拖累未靖遠檄心  
易署學篆督催之心易聚諸生勸諭差官放食衆  
皆稱善旬日事集副使僞爲喜者而匿其名攘爲  
己功撫按廉其實檄署伏菟縣篆副使以非己意  
恚甚遣人伏境內偵所爲陝例丁稅旣重規避百  
端官吏率緣此以肥囊橐心易設法覈實增丁六  
千有奇豁其中老病孤貧者四千餘丁民大感悅  
更有持三百金詣其父三捷祈豁免者父怒叱曰  
爾欲污吾父子耶吾但願子爲廉吏無辱先人是

矣吏懼而退紳士投牒祈免累千百人悉置不視

訖無狗庇故新丁盡出而得免者仍十之七伏差  
刻石頌德副使益忌之適撫按復檄署秦安篆秦  
安年荒民稀舊無輪輓副使故移他邑米四百石  
俾督運畧陽踵署學故智也心易申請別憲使竟  
格不行迄代老幼泣送者數千人然始終無一物  
餽副使副使乃摘前官二細事坐入大計落職及  
就訊按察使彭知其枉曰此可雪也心易恐累前  
官堅不自明彭益腕良久勸曰子存心如此第歸  
爾後必昌矣歸乃讀父書究精醫學著有醫書一  
百卷手自謄錄及子機辰貴布衣疏食如寒素既

老輯家乘授其子孫期守清白遺訓兩與賓筵年六十八忽聞異香入室而卒

徐珊字器甫順明孫嗜古篤學凡左國秦漢八家文皆手自評錄好推獎人倫經品題者率成進士貧而有志者延致家塾給銘藁誨人不倦登科第者數人晚以明經歷任西平真陽兩縣訓導教士有法至今稱之

林祚昌字昌籙康熙乙卯副榜准貢性朴誠事親以孝聞家貧教授生徒出其門者爲文皆有法言

力以體自持義村令兒長輩延教終止雖重其品

行交遊之邪二類矣之遠近受益者甚於他處人  
又約同志捐義倉已巳歲饑出數十石以賑貧人  
隣邑有聞而效之者然數奇屢困揭屋益窳心性  
命之學其與人交同骨肉卽其人有遺行或甚相  
負終不一言家雖貧無幾微形於言色一切取與  
不苟爲近世所難

夏禹甸字南山經魁性直率常折人過不爲谿刻  
之行其座主張椿擢御史去寄千金後數年過杞  
禹甸源銀封識如故還之座主嘆服其操

楊熠字耀之康熙十三年 恩貢立心純厚制行

木  
端方與人和易居恒惟閉戶讀書執經問業者無  
遠近咸宗之卒年七十餘

潘朝冕字戴元性剛介每面折人過人皆敬憚之  
少有文名科試常冠八郡文出人爭傳誦順治乙  
酉與同祖弟朝佑舉於鄉丙戌佑成進士而冕竟  
抑置副車例得除授司理主事欲官之冕曰吾不  
能爲五斗米折腰遂不就厥後佐除襄陽令到官  
未久卽遭王闕瓚之變與賊格鬪五指俱落遇害  
家貧不能歸葬冕爲歸視營葬請卹請蔭悉力不  
懈同邑孝廉高顯以非辜繫獄十年當事皆莫爲

高理冕慎然慎之卒同志者諒於直指加冕明年  
次年卽成進士八皆以爲冕之力也冕與邑令塗  
山琨友善時令與上憲有卻欲罷之值直指某與  
冕爲同年友按臨杞邑冕爲求解於直指得免議  
令遣人致金一盤謝冕怒曰吾所以爲而主請者  
以而主大有造於杞也豈望報乎揮出不受令大  
慚親詣謝罪聞者無不歎服居家朴素玩好一無  
所御性嗜詩書終日諷咏不倦

何經武字仰賢桃陵人思遠曾孫也賦性聰慧通  
經書以文學知名年二十爲增廣生順治初河南



春秋缺人奉憲文學習尤精通焉杞共稱曰麟經先生然武雅不以此自鳴一時從學弟子科第相聯率多端士其子潢早年入庠亦朴誠不失家風焉

趙方力字勇一庠生鄉飲大賓慷慨好義賑貧濟急婚嫁喪葬有不足者每捐金以爲助閭邑稱盛德焉義方教三子皆成令名

孟宏慤字慕宗紹虞孫也少英敏文詞秀麗名噪一時天性孝友弱冠時兩遭大變而兩弟復相繼繼卽世慤經營喪事心力交瘁以己子爲兩弟後撫

弟遊女如已出幼年以歲滿投內閣中書旋里後  
絕意紛華娛情林壑築園於北郭外墮堤之側種  
竹蒔花游息其中以終老焉性樂施與沾澤者甚  
衆初宗伯歸里施意田以給族人立徵社以造後  
進懇繼其志復於雅陳設義塾延師聚徒以存徵  
社遺意

趙易望字環剛方力長子投鹿邑訓導學宮殘缺  
輒捐俸修葺有岸生高能企者實闔姓僕也因發  
主構訟望拒其賄爲正主僕之分又有王姓兄誣  
其弟餽暮夜之金望亦卻之卒全其兄弟之好素

性嚴毅不可干以私

陳繼新字憲文自邛人天性嗜學博覽羣書尤殫  
心舉業屢困鄉闈以明經注選事父母純孝先世  
墜墓獨力肩修不累宗黨嘗設義館立義塚樂善  
不倦而澹泊自甘優游林泉有太邱遺跡焉教子  
昌言由歲貢為獲嘉教諭克振士風擢山東鉅野  
令補湖廣江陵令歷任皆有政聲

趙易聖字原仙方力次子生而穎異弱冠入庠康  
熙癸卯登賢書考授內閣中書以終養歸建父母  
歿哀毀盡禮有姪八歲而孤教育無異己子

其產業及假立歸之課焉不染有資而鬻女者聖  
憐而還其女則責其值有耗官銀而繫獄者聖爲  
償補出之赴京時途中有客爲盜所劫裸臥冰雪  
中聖解衣衣之並給其抵家所需而給之資其舉  
義類如此

馬景字賜谷高陽人邑彩孫也由丙子副軍任中  
牟教諭邑類年河患學宮頽壞最盡以所得俸金  
復出已資修葺煥然一新諸生有負國課者數歲  
不辨例應詳章最曲爲調停設法完納俾公私兩  
全闔邑咸德焉

杜燠字大始燠之長子賦性穎異持身嚴正年十五爲庫生事繼母純孝遭流寇之變避難河朔保全弟妹七人平定旋歸怡情詩酒毫不干預外事  
嘉慶庚子年七十有八卒

燠歲年酉平步應長子也博學能文早入庠食餼兩試屢冠其首性至孝因母患目疾遂究心岐黃且願代著者妻妾以新神佑本邑及隣封願以婦祀者十餘人晚年以歲薦授考城訓導甫下車見殿聖祠傾頹卽捐資修葺大成殿及兩廡內並繪先儒神位闕少以家所蓄嘉禾做朝里式隔修飾

位丹漆金書肅然在望移杞中手植柏百餘株培  
宮牆內外復將杞學神位亦如考城學式修整虔  
飾焉先是家居時卽好作興後進多所成就至考  
邑益以振興斯文爲己任每月具紙筆飲饌集生  
童爲文判其甲乙自是多士鼓舞文風日盛生平  
喜推解尙意氣曾祖紹虞原有意田千畝一助族  
人一興文社鼎革後遂寢宏愨繼祖志捐田四百  
畝以給親族孤貧屢復捐田四百畝以爲賓興義  
學之需可謂克承先德矣卒年八十一所著有依  
樁堂詩集澹餘齋文集南溪雜咏藏於家

何際隆字其昌經武孫邑庠廩生賦性剛方弗詭  
隨有竹林遺風康熙癸巳科後五薦鄉闈不售絕  
不介意惟以克己慎獨爲要讀書之暇卽與子若  
孫講論善事所最好者放生戒殺一切昆蟲不忍  
殘傷觸有危急雖家道寒素務必竭力救之其教  
授弟子各有法度一時規步方行學咸名立者屢  
門下士年七十七將終時猶神情氣爽談文章書  
行竟夜而卒

杜諭字顯之孝友純篤遭流寇避難河朔艱辛中  
供二人不失甘旨兄亡無遺紙如已子亂定回籍

延師教誨躬冠成名又有姪天澤乏嗣有數產而  
阻其繼嗣者諭笑曰繼嗣非利其產也遂以孫後  
之而不取其產居鄉排難解紛五十餘年里無爭  
訟邑令延赴鄉飲額其門曰閭中文獻

侯運隆字鍾灝體蒙三子也邑廩生事親能色養  
慎終追遠悉如古禮事兩兄恭謹仲兄先故念伯  
兄年老喪子時迓至家體嗜好爲飲饌供衣履嘗  
曰事親有愛日之孝事兄亦當有愛日之敬也祖  
產無多給以硯田有才雋而家貧者亦樂爲教育  
平生以實行爲先文藝次之遊其門者莫不循循



有規矩爲文皆有法入泮宮者數十人薦賢書者  
數人仕爲守令者皆著循聲中年以子息維艱願  
隨分爲施濟計終歲衣食日用外所遺地租修金  
以周親族之貧乏及婚喪不給者逾五旬獲二男  
晚歲嗜讀先儒語錄益以躬行爲兢兢邑侯陳白  
村雅重之題其廬曰茂緒揚輝然隆每自韜晦不  
求人知嘗自題偶句於室曰道從有我忘時証德  
向無人見處修惜抱負不凡未獲展施以歲薦終  
老焉年七十有四卒所著有待竹軒文集聞可堂

孟書字次白步楚次子也繼爲叔宏忱後嗣母袁氏病湯藥親嘗衣不解帶者數月比卒哀毀骨立凡祭奠殯葬一遵文公家禮稱至孝焉事兄長以恭撫諸弟極友愛康熙辛巳以廩貢授磁州訓導捐俸備饌勤爲考課因而登賢書成進士者科不乏人歲甲午擢正陽教諭其培養人材亦如在磁州時勤勞坐病卒於官

趙熠字子明賦性敦厚勤於作家以致豐裕然好義樂施族中賴以安全者數十家且賻喪助婚無德色又倡義捐修學宮行誼端方共舉鄉飲大賓

邑令額其門曰望重賓筵子宗益字伯讓捐施義塚周急濟貧有父風焉

侯如曾字興述子趙五世孫也生而厚重簡默十五爲庠生試輒前茅入闈屢薦竟不第事父母純孝母病革時思食菟苾市無鬻者方索之樊圃中而母已逝乃抱恨終身每觴是物輒歔歔涕零弗食家資素裕樂推解咸平王母李氏者曾之從母也常迓至家衣食奉養歸則多所遺贈及歿弗克殮凡衣衾棺木及葬地悉力辦之他若贖喪助婚周貧乏恒多義舉族人以田百畝典於其父者

及父故積欠地租并頗值不能償俱置弗問又有  
親族稱貸券紙數十葉盡焚之嘗構舍工匠掘地  
得銀五百餘金持以白於曾曾笑却之衆皆感謝  
中年喪偶不再娶並不置姬妾獨居一室朝夕啣  
嚼其中陳邑侯稔其品行欲以賢良方正薦曾因  
辭乃益高之晚歲買成均益嗜學不倦初與從兄  
京曾共筆墨詩文極深研究各擅其長同儕以二  
謝擬之如曾工書法所遺墨跡世爭珍異卒年六  
十八有著承朴齋文稿居業堂詩集藏於家

孟景字芝仙宏懋第三子出爲胞叔宏恂後博學

善屬文弱冠入庠入闈兩薦不售後貢成均天性  
孝友且篤於嫺戚康熙己丑杞邑癘疫流行景內  
戚中有合家傳染病甚危急者景慨然接至家調  
治數月始痊而景家竟無所染是歲薦饑十室九  
空凡隣里戚族不能舉火者有求於景必量力周  
濟自春日迄麥秋活人頗多教子晉蕃以才能擢  
授山東長山令有循聲

馬曉字元朗呈彩孫賦性孝友胞叔象觀知渾源  
州丁艱以積欠弗得脫曉慨然破已產五百餘金

爲助葬在卒後任同知有未嫁女夫出不歸

之死瘞他曠屢舉未成適丁亂回維服闋得補  
原訣旋一力申請乾隆五年建坊旌表其修學官  
課諸生成稱厥職後以年老乞休上憲批云老成  
碩望秉鐸有方年雖古稀精神倍於少壯正多士  
觀瞻之日非引年高蹈之時又六年方歸里九十  
餘歲卒乾隆十五年舉鄉飲正賓

馬綸錫字君俞體乾子也賦性純篤樂行善事康  
熙壬寅以明經任澠池司訓邑舊有生員張翼者  
室女許配高金甲爲妻未及笄夫死隨母往弔乘  
隙縊棺側竟以家貧不能舉錫聞之仰天歎曰此

等節義竟爾湮沒耶遂一力申請雍正甲辰建坊  
旌表灑自

國初以來未有登科者錫課文造士一以興學爲已  
任察奎樓建於幽暗文星不顯乃相爽塏善地捐  
俸改作是歲雍正己酉王豫吉遂中式迄今科第  
相聯屢頌其功於不朽云

潘汝範字希文孝廉朝冕子也爲文沉雄有父風  
康熙丙子受知於獲嘉縣澹園何公薦房首填榜  
時以對策觸忌復致黜落後由明經司訓河陽進  
士悉遵蘇湖科條時丁憂起復皆有規禮範獨不

受學中有官元英出貢貧不能赴者卽給以資斧  
後英爲陳留訓導猶執弟子禮至祀申謝又陳蘭  
桂拂教諭杜宗度意以劣衿詳革範辨其冤仍復  
衣衿雍正癸卯河陽大饑邑令陳永正委任散賑  
不遺不濫遠近沾恩及致仕歸士民祖道供張沿  
塗不絕居家孝友兄弟早卒撫孤繼絕皆能成  
子均中丁巳科進士卽所出以嗣其長兄者也乾  
隆二年充鄉飲正賓年九十五卒

孟曷字斯勤宏懋季子也嗜古好學弱冠補博士  
弟子員旋食餼康熙庚午辛卯科兩薦不售因側



身明經教弟子不計修儀且給以膏火一時成名者多門下士尤好周急暴尸者施以棺木苦寒者給以絲襖至一切家務則槩從儉朴嘗云節儉爲天地惜物仁慈聖賢居心其生平大畧如此

張光派字紫宸高陽人六歲喪父哀毀骨立三年不進鹽菜薄田止七畝餘採蘆織席以奉孀母伯兄患痰症親湯藥熨寒暑不懈姪孤勸耕課讀撫之成立至居鄉和睦里有口角相犯必勸諭息爭

張光派十六歲蒙

張光派字紫宸高陽人六歲喪父哀毀骨立三年不進鹽菜薄田止七畝餘採蘆織席以奉孀母伯兄患痰症親湯藥熨寒暑不懈姪孤勸耕課讀撫之成立至居鄉和睦里有口角相犯必勸諭息爭

給匾曰德冠一鄉

趙梅邑庠生天性孝友與兄弟同爨四十餘年遇鄉里惡少面加教誨皆慚愧俯首謝過有婚嫁及喪葬不給者出資助之無德色壽登八秩康熙六十一年邑侯甯佑舉鄉飲正賓子大山守父規

趙樞梅之弟也幼學韜畧旋入庠與兄弟友愛甚篤兄弟皆先樞卒撫猶子無異所出尤精於堪輿人有求者無貧富遠近必應之不索謝也雍正五年邑令陳賁懿給匾旌之子大用克述父志

賈純仁字良復生而敦敏性孝友未弱冠遊庠乾隆

隆丁卯申副榜生平讀書外無他嗜癸巳授南陽府浙川縣教諭抵任未幾聞親病卽以終養歸生事死葬克盡心力服闋補原職見黷宮頽廢心甚憂之時縣令許公以河工孔棘未遑及此純仁承郡丞湯公議專董其事勉諭邑紳士募貲修葺煥然一新不惟不染指且又捐俸人服其清勤卒官歸籍浙士民涕泣遠送且勒石以誌感云

侯蕃字企康祉毓長子太學生孝友成性弱齡失怙事母孝撫幼弟尤篤爲人端方嚴毅不妄交遊戚友有貧乏者輒周恤無吝色邑侯潘恩光率祀

時常器重之弟菴字巨聞亦太學生天性渾朴功  
菴與兄菴友愛甚篤兄逝公隻手搢拄門戶事者  
母能得歡心無諸姪讀書俱成名與人交坦易無  
城府人皆重之

劉鏞字闡公宜陽教諭燧之孫也五月而菴以母  
孟氏訓早歲入庠食餼嗣以先業漸減古耕養親  
甘旨弗缺者三十年品端懇好學能詩以啟迺後  
進爲已任教人先德行而後文藝一時祀邑後彥  
大半出先生之門後以 恩貢授西平縣教諭年  
已八十旋辭職歸里閱二年卒

僕炳成字夏菴號以約太學生謹厚性成事嗣母  
生父母俱以孝聞處兄弟以友恭與人交以和易  
十歲授禮經卽遺贈大憲爲文有奇筆因屢擢揚  
屢絕意仕進生平言行敦篤內外無間有太高祖  
鄉飲公風焉

侯經成字健誠號愛日性坦白敦孝友兄弟六人  
並力學而公更有聲鄉黨早歲入庠從陳未齋先  
生遊先生著作多校正焉平日不無緼薄不畏強  
禦親族或結難必委婉排解不辭勞瘁乾隆癸未  
歲鄉賢祠祀公慨然首事修葺其舉行純篤竭力

公事類如此

監丞祺字伯庸性嗜學早入郡庠食餼  
授明經艾曉升公有痿疾十餘年晝夜奉侍不假  
羸僕妹貧而醫公體父志延其夫婦於家同衣食  
越卅二十年及兩甥納婦始授廬產析箸康熙癸  
未歲暮秋涇沒民間號泣公惻然曰吾幼讀上策  
志昂楊公過渠種菜之策今寧可不行之以活民  
命耶遂陳策上憲嘉其警牒行諸郡民賴以安己  
丑復水公又倡郡庠諸生請行出陳易新之策上  
憲允之民大便嗣後設講授書所造皆知名士

備有哀號者乃徐氏子病且貧欲嫁其妻相博者  
吳公慰安周以粟不給納同社友共給之繼而上  
年六十餘乎不釋卷可專臨風入郡問博者及  
第一以學於命不繼一第七十八歲卒

履行健學無懈 恩貫生賦性長厚立行端方事  
父母以孝聞教子弟以勤儉平生以獎進後學爲  
已任故一時知名之士多出其門下云

按自道德既衰人情日卽於儂薄廉隨莫可救挽  
其風會然耶抑習尚使春耶然自高蔡以下諸人

至今歎以爲不可及而終身一善無傳與草

...

杞縣志

卷之十五 人物志三

三





人物志四 文苑 武功

文苑

文章之道由來尚矣苟非得天地秀靈山川清淑  
之氣窮理見道以發抒幽粹詎易入作者之林哉  
依古以來或探微索奧羽翼經史或高文典冊黼  
黻盛明卽至一吟一詠亦間以抒性情端風教匪  
偶然也杞雖一邑自漢迄今代生作手採而錄之  
用以望後之感發而興起者志文苑

東漢

邊韶字孝先外黃人或曰浚儀人以文學知名教授數百人韶口辨會畫假寐弟子私嘲之曰邊孝先腹便便懶讀書但欲眠韶潛聞之應時對曰邊爲姓孝爲字腹便便五經笥但欲眠思經事寐與周公通夢靜與孔子同意師而可嘲出何典記嘲者大慚韶之才捷皆此類也桓帝時爲臨潁侯相徵拜太中大夫著作東觀再遷北地太守入拜尙書令後爲陳相卒官墓在祀

蔡邕闔人郡令勲之後父穰處俗孤黨不協于時辟舉不及卒諡貞定先生邕字伯喈性篤孝母病

三年未嘗解襟帶不寢寐者七旬母卒廬於墓側  
有兔馴擾其室旁木生連理遠近奇之邕博學師  
事太傅胡廣好辭章術數天文妙搯音律閑居玩  
古不交當世建寧初辟司徒橋元府元甚敬之  
拜郎中校書東觀遷議郎邕以經籍去聖人久遠  
文字多謬俗儒穿鑿疑誤後學奏求正定六經文  
字靈帝許之邕乃自書於碑使工鐫刻立於太學  
門外後儒晚學咸取正焉時妖異數見人和驚擾  
上使中常侍曹節王甫就問災異及消改變故所  
宜施行邕乃陳七事末曰夫君不密上有漏言之

戒下有失身之禍願寢臣表無使盡忠之吏受怨  
奸仇章奏帝覽而嘆息因起更衣曹節於後竊視  
之悉宣左右事遂漏洩中常侍程璜遂使人飛章  
言邕私事下洛陽獄劾以大不敬棄市事奏中常  
侍呂強愍邕無罪請之帝亦更思其章有詔減死  
與家屬髡鉗徙朔方璜又使客追刺邕客感其義  
莫肯爲用故得免邕在東觀時與盧植韓說等撰  
補後漢紀會遭事流離未及成書因陳奏其所著  
十意分別首目連置章左帝佳其才高會大赦乃

收置本郡又有密告邕怨帝者邕聞之不色乃

命江海遠跡吳會往來依太山羊氏積十二年  
吳嘗見柯亭屋椽知可爲笛吳人有燒桐以爨者  
邕聞火烈之聲知爲良木請裁爲琴有異音而琴  
尾猶焦在陳留時有以酒食名者比往聞客彈琴  
有殺心問其故則曰我向鼓琴時見螳螂方捕蟬  
耳邕然之其聰解類如此靈帝崩董卓爲司空聞  
邕名辟之稱疾不就卓大怒邕不得已詣府著祭  
酒甚見敬禮補侍御史又轉侍書御史遷尙書三  
日之間周歷三臺卓重邕才學厚相遇待每讌集  
輒令邕鼓琴贊事邕亦每存匡益及卓被誅邕在

司徒王允坐言之而嘆允勃然叱之曰董卓國之大賊君爲王臣所宜同忿而懷其私遇反爲傷痛豈非共爲逆哉卽收付廷尉邕陳謝乞黜首刎足續成漢史士大夫多矜救之不能得太尉馬日磾馳往謂允曰伯喈曠世逸才多識漢事當續成後史爲一代大典允不從邕竟死獄中縉紳諸儒莫不流涕其撰集漢事未見錄所作靈記及十意並諸列傳四十二篇李滄之亂湮沒不存所著詩賦碑銘等書諸雜文凡百四篇傳於世

按晉書羊祜邕之外孫祜

討賊有功將進爵士乞以賜舅子蔡襲詔封襲關內侯邕三百戶襲弟邕子則是邕未嘗無子也

遷讓字文禮韶之族也少辨博能屬文作章華賦

雖多淫麗之辭而終之以正亦如相如之諷也文多

不載大將軍何進聞讓才名欲辟命之恐不至詭以

軍事徵名既到署令使史進以禮見之讓善占射

能辭對時賓客滿堂莫不羨其風采府掾孔融王

朗並修刺侯焉議郎蔡邕深敬之以為讓宜處高

任乃薦於何進進不能用屢遷出為九江守初平

中王室大亂讓棄官還家恃才氣不屈曹操且多

輕侮之言操怒殺之漢裴照延禧時人常作廣野君碑文今碑已湮其他文字

亦無考要亦作者之林也



魏

蘇林字孝友文帝初爲給事中領書監散騎常侍  
永安衛尉大中大夫黃初中遷博士封安成亭侯  
嘗注漢書有文名

宋

宋準字子平雍邱人開寶中舉進士翰林學士李  
昉知貢舉擢準甲科會貢士徐士廉擊登聞鼓訴  
昉用情取舍失當太宗怒詔準覆試於便殿見準  
形神偉茂程試敏速甚嘉之由是復擢準甲科卽

受祕書省祕書郎直史館八年受詔修定諸國圖

書俄而奉使契丹復命稱旨太平興國四年遷著作郎通判梓州轉左拾遺歸朝預修諸書八年同知貢舉歲餘以本官知制誥俄判大理寺遷金部郎中端拱二年卒賜錢百萬準美風儀善談論辭采清麗泄官所至皆有治績廬多遷之南流也李穆坐同門生黜免左右無敢言者準從容爲上言之上寤復穆官時論多之

宋祁字子京與兄庠同時舉進士禮部奏祁第一庠第三章獻太后不欲以弟先兄乃擢庠第一而寘祁第十人呼曰二宋以大小別之召試授直館

遷太常博士預修廣業記成遷工部員外郎同修  
起居注權三司度支判官方陝西用兵調費日蹙  
上疏言去三冗節三費冗庠罷叅政事邠亦出知  
壽州還知制誥改龍圖閣學士史官修撰修唐書  
累遷右諫議大夫充羣牧使景祐中詔求直言邠  
奏人主不斷是召亂矣春秋書實霜不殺救天賊  
暫廢不能殺小草猶人主不斷不能削臣下也其  
意主於強君威別邪正急先務特勸中時肅未幾  
坐事出知亳州又徙知成德軍兼領河東陝西馬  
禁又請復唐馱驛之制後徙定州上言隸邊防利

害甚悉及藥戎論七篇尋除三司使御史包拯彈  
之言兄既報取弟不可復任三司乃加龍圖閣學  
士知鄭州唐書成遷左丞進王卬尚書以羸疾請  
使醫藥拜翰林學士承旨詔論入直許一子主湯  
藥復爲羣牧使尋卒有文集百卷行世卬兄弟皆  
以文學顯而卬尤能文善議論然清約莊重不及  
庠論者以卬不至公輔亦以此云

崔鷗字德符雍州人登進士第調鳳州司戶叅軍  
筠州推官徽宗初立以日食求言鷗上書曰此聞  
國家以日食之異詢求直言而特以判左右之忠

邪爲本今責授珠崖軍司戶司馬光左右以爲姦  
而天下皆曰忠今宰相章惇左右以爲忠而天下  
皆曰姦夫以股肱耳目治亂安危所係而一切若  
此何哉蓋日者陽也食之者陰也四月正陽之月  
陽極盛陰極衰之時而陰干陽故其變爲大惟陰  
下畏天威聽明命大運乾剛大明邪正毋違經義  
毋鬱民心則天意解矣帝覽而善之以爲相州教  
授調續漢令移病歸歸居郊城治地數畝爲婆娑  
園屏處十餘年人無貴賤少長悉尊師之欽宗卽

位授古正身上疏論事大厚自禁京師都司於王  
安石而相黨之盛則又過之願斯之以謝天下

安石而朋黨之盛則又過之願斬之以謝天下累  
章極諫時論重之忽得學疾而卒鷗平生爲文至  
多輒爲人取去篋無留者尤長於詩清峭雄深有  
法度無子壻衛昂集其遺文爲三十卷傳於世

明

徐綬字公美景泰丙子領鄉薦歷官廢鄆二縣教  
諭雅負時望多士奉爲楷模除邑令不受告病歸  
里精研易傳以壽終於家

李琚字儀之成化辛卯領鄉薦持身方正博學能  
文里中多奉爲模範

黃舒華字實甫正德時人博學能文尤工於詩嘗持所作謁大梁李空同李太奇之七舉於鄉不售嘉靖庚戌以明經薦授肥城縣訓導嘗論詩忤督學首督學有愠色舒華退而嘆曰彭澤令不以五斗米折腰予乃戀戀此官耶遂拂衣而歸與庫部黃鶴結詩社朝夕吟咏吳明卿過杞造訪舒華杜門謝之明卿爲賦招隱詩王元美嘗寄詩云一官詩自罷萬態酒堪捐老豈時人力窮餘異代權其爲時所欽重如此所著有蟋蟀吟行於世長子嗣

齊厲字鳴世嘉靖時人居空桑里讀書懷獨行之德鶉衣糗飯不廢吟哦泊然有古先民風李空同嘗曰翟生苦節尚志人也邇從余之河上余嘉敬焉作詩以贈有蒼煙臥木石浮雲傲王侯之句可想其爲人矣

王嘉言字叔采少穎悟日誦千餘言嘉靖甲午領河南鄉薦第三四試禮部不第遂棄而歸隱高陽之南自製五常巾着之時與同輩登高長嘯飲酒賦詩以爲娛嘗貸富室張公十金張且死遺命焚券嘉言往弔乃陳金張之墓下俾其子收之所著



有感遇集行世子太白字夢先以恩貢授福山知縣有惠政所著有耕心漫稿孫孫昌字咸所庚子舉人博學善賦詩與閭紆倡和著述甚富邑人宗之  
之後任安慶府推官至今稱爲三世詩家云

劉維松字茂林嘉靖間爲邑諸生年十二通聲律大父命咏漁翁松信口咏曰飛熊夢未卜身着草衣輕萬里滄江上持竿釣月明大父奇之後兩試不第遂棄舉子業日以吟咏爲事家甚貧好讀書爲文不甚苦思輿到率然而成故題其詩爲排闥

集云

陳卜字子貞博學強記善屬文與兄乙齊名嘉靖  
間舉於鄉貌不踰中人而抵掌談時事鑿鑿中窾  
時兄乙舉進士族人多乘堅策肥卜獨布衣蔬食  
與諸文士相倡和泊如也正德來邑中田賦苦累  
卜爲書千餘言以達諸當道辭甚辨悉覽者爲之  
嘆服所著有過菴遺稿藏於家

邊師吳字南遊幼失怙寄食屠販家年二十始業  
儒然讀書目數行下雖浩瀚數千言援筆立就學  
使李化龍奇之拔置第一賦性不羈放浪詩酒值  
周藩郡王與胥吏構事連開封尹欲舉疏訟於朝

其名廷致之酒酣以狀告師吳拂衣嘆曰丈夫  
遇知已便當刎頸豈一疏足云耶遂草疏事洩爲  
當事所執誣置之法師吳在獄牢騷哀怨作詩解  
數種里巷傳誦後遇巡撫張憐其才而釋之出獄  
設酒饌劇飲一醉而卒

侯應琛字獻之于趙子也父官平陽時夢庭樹白  
華盛開而生故又號晉陽長髯修軀望之偉然性  
穎異於書無所不讀最善古文辭自童子試至選  
貢皆第一神宗癸卯鄉試第一癸丑進士授寧晉

知縣地多盜有曹畏者劫掠暴橫應深計擒之羣

盜屏息陞揚州郡丞治瓜步轉南京兵部職方員  
外遷武庫主事曆正定府知府立社衡文造士成  
就者甚多已巳京師戒嚴乃下令儲糧糗簡器械  
民賴以安俄爲忌者所中罷歸卒先是魏璫焰方  
張聞應琛文名欲籠絡之許一當事致書道意且  
云魏公需茶有佳者相遺督辦可得也答曰吾不  
敢汚青史使吾子孫不得論古也且吾能爲此寧  
困至今日哉陽爲不解當事者慚而去

侯應璘字中尹于趙姪萬曆己酉領鄉薦天性朴  
茂長益厚重修幹亭亭有出塵之姿尤工於二王

書法

趙彥復字微生穎異絕倫讀書目數行下治春秋  
中神宗癸卯經魁甲辰成進士初任寶坻知縣寶  
坻頻年荒饑設法賑濟邑有瑄父高姓者強蠲虐  
民執法除之士民賴以安輯以母早逝祖母年高  
遂解任就養終喪出補曲沃知縣邑有趙鎮集先  
是安邑軍儲過鎮爲暴客所劫捕不獲遂責償於  
民敲朴督責未已彥復下車借預備倉中穀二千  
一百六十石變價償之去後民爲立祠勒碑尋轉  
臨清糧儲同知會臨清饑米價騰貴道路死者相

枕籍繪圖上疏蒙俞允發倉賑濟且捐俸煮粥全  
活數十萬人累遷汾州知府時魏璫煽熾直指張  
慎言因建言忤璫意臺司委彥復審獄陰嗾刺面  
發配彥復毅然曰吾不能殺人以媚人也以性命  
爭之張始得免及逆璫誅起慎言爲納言入都謁  
趙終不一見官至湖廣江防道副使著有梁園風  
雅冰巖初刻二酉草蘇門集行世

閻紆字太愚嗜古博學與同邑王孫昌唱和學者  
尊爲師表天啟辛酉恩貢樂道不仕歲歉輸粟賑  
濟晚益刻勵篤於學著有閻法乾集四卷行世弟

經字二愚以歲薦授汝州訓導與兄齊名著有說  
詩漫紀紵子篤古淹通經史詩學李長吉有奇氣  
一時名輩爭禮下之遭世亂播遷卒不遇以死著  
有伴馬嘶變雅樂府行世

馬之馳號布菴生而豪邁喜讀書爲文磊落有奇  
氣邑令宋致深器之崇正庚午領鄉薦乃益肆力  
於詩尤精律體孟津王鐸見而嘆曰百餘年無此  
作矣客蘇門日樂與爲倡和屢困公車壬午始謁  
選吏部會冢宰李遇知賞其文勸令卒業未幾國

變益無復仕進意放浪鳩咏以終其身

何印光字大次九歲能屬文崇正乙卯魁於鄉巡  
按高名衡深器之尤工於詩先達王鐸薛所蘊中  
原雅宗也率推轂焉所著有遠岫堂集癸未成進  
士選翰林院庶吉士讀書中秘聲籍甚甲申三月  
印光勸國步日艱寇薄城下發憤上城守事宜疏  
修陳六件不報俄京城陷遂及於難

徐正學字淮南自得長子神宗乙未成進士歷官  
內外俱有聲稱後任東昌府知府甫歲餘卽致仕  
歸沉酣古籍日與同志者彈琴賦詩種竹栽花有  
彭澤遺風所著知年餘力數卷行世



國朝

羅繼謨字允嘉文英孫生而聰穎異常邀書客一

茶卽將名稿百篇閱遍皆能記誦順治丁酉領鄉

薦乙亥成進士擢翰林院庶吉士屢

召對漸得與宮中筵會寵遇日盛轉刑部員外因入簾擬

題事坐謫遷其遺稿世爭寶之

孔衍禱字燕貽貞一孫時彛子也幼聰慧嗜古好

學博通經史從父宦遊浙東以文章詩賦知名當

時旋里後與湯文正公潛菴讀書於邑東許家岡

瓦相繼編順治甲午領鄉薦授汝州學正與諸生

朝夕泮廟有蘇湖遺風康熙辛亥補信陽州課文  
造士稱極盛焉年逾五十卽致仕汝人佩其學行  
請主書院多士景從成就者指不勝屈所著有彙  
雅欄斤文抒辨體十則藏於家性好周急無論親  
疎求無弗應年八十卒於家

蘇爾翼字次憑樓岡人居親喪泣血三年服闋每  
值忌辰卽屏酒肉偶觀手澤輒泣數行下額其堂  
曰永思示終身愛慕也佃儻磊落不妄交接每有  
義舉輒慷慨爭先博學善屬文尤好接引後學一  
時名士多出其門康熙壬子領副薦甲子舉於鄉

御史張公松巖督學中州集兩河博學者校於大梁拔翼第一擬薦於

朝會張公病卒遂寢戊子除陝州學博造士多方文風丕振致仕旋里年七十有三卒

侯運盛字宜初于趙元孫體蒙之長子也賦性質直言貌古朴事親孺慕有老萊子意執親喪如古禮期年不食菜果三年不食酒肉夜宿喪次寢苦枕由遇親忌日素服齊宿終身如一自與人交胸無城府有過輒面規之財物恒與友共有仲氏遺風焉惟陽田簞山巖對周伯章減器重之入庠後

以足疾絕意仕進專肆力於詩古文辭卷帙盈篋  
皆手抄書也耄年益嗜學不倦晝所讀書夜則臥  
誦習之聲徹四隣無間寒暑故學造精微詩文每  
脫稿人爭抄錄傳誦四明周斯盛嘗評其詩謂有  
盛唐遺響年八十四卒所著有燕雪堂詩稿

何彝光字叔獻邑南何家寨人東昇之子幼賦異  
姿年角卅號五經笥十二應童試入邑庠十四食  
廩餼宋冢宰聞而慕之延入社落筆輒壓同人共  
目爲遠到器邑侯吳公纂修縣志特委重焉後李  
公奉檄重修復敦請秉筆告竣邑侯覽之曰真良

史才呈之藩憲亦鑒賞之康熙戊子以明經任濟源司訓河朔素仰德望至日謁者屢滿指授數年登甲乙榜者指不勝屈所著義谿詩集與史館雜詠皆爲海內名公選梓行世年七十有四卒

侯方曾字文榮于趙五世孫元裴長子也狀貌豐偉才識敏練年十六入陳留庠隨父任德清習舉子業外復叅判案牘達情僞老吏不能欺迨援例入太學益以文學自奮年二十五丁外艱事祖母曹氏母李氏誠孝篤至撫幼弟情意浹洽終身無間言康熙甲子舉於鄉候補內閣中書舍人性好

容四方名流遠廬者踵相接也少年爲詩以發其  
性靈爲宗復與海內諸詩人唱酬討論法律益烈  
最愛昌黎詩時而放筆大肖其神族叔運昌雖陽  
湯子穉平田子簣山皆一時知名士每當聚首互  
相賡和縱談今古家居需次凡戚族有危難事皆  
力爲拯救遇邑有災祲及大徭役利弊之應興革  
者不惜首事爲督里誦命所著有刑案行燈志樓  
詩稿棧軒詩稿燕遊紀行詩陝遊草間爲古文有  
鶴珠堂文稿應事之餘手不釋卷平生手抄書十  
餘種藏於家

侯京曾字孝則元棐之次子也生而聰慧數歲能屬文有奇氣十七歲爲學官弟子督學校其文及詩輒冠一軍遂食餼焉嗣是屢冠其曹文名籍甚本邑及隣封童試屢以文衡委任所取皆稱得人且樂引導後進一時知名士更立社求爲評定數十年多所造就潘子廷平薛子廷獻皆其及門也生有至性十二失怙卽守禮如成人母病劇刺股濡血作書禱於神祈以身代及遭變哀毀骨立居喪如古禮遇親忌日素服素食慘然不樂事伯兄恭謹式好無尤且尙氣誼有孤童張天柄者稱才

雋以家貧廢書乃衣食其家數口俾得專力於學  
後爲庠生曾買一婢知其許字趙姓卽遣之贖宮  
泮池傾圯獨捐資修整其好爲施濟類如此平生  
以古學自力尤喜爲詩嘗從四明周斯盛講求法  
律殫精研思盡得古人微妙處晚歲貢成均絕意  
仕進益肆力詠歌詩律倍細所著有鶴珠堂詩集  
遠邇傳誦咸奉爲式法焉

陳紹淳字維垣嘉命四世孫也賦性純篤事二人  
曲盡孝道弱冠入庠以舌耕爲業里隣中有才雋  
而家貧者不計束脯樂爲教育且給以筆楮之資



從遊日益衆有不遠百里而負笈者雍正己酉奉  
文續邑乘邑令敦簡兼筆簿採訪善言善行一一  
悉載更拾遺綴缺抄錄成帙以備後來纂修者採  
採焉是歲淳白色令將趙表節烈十四人刊木主  
入於祠邑令薨之年七十有五卒

張卽起字羽明博聞強記通五經每試輒冠其曹  
說書善解人頤四方從學者多知名士明季當膺  
康薦忤督學意抑置廢末至康熙十五年以好獵  
得賣學者皆尊仰之

吳津字師文曾貢生博學好古文力追漢唐就正

者徧于梁宋間性渾厚謙和雖鄉愚俠少見之輒  
肅然敬乾隆九年纂葺邑乘邑侯王公延修人物  
諸志書成無弗允服署邑侯許公素聞而慕之嘗  
以文林擢秀表其門素愛竹因工畫竹有雅致可  
風所著有修筠齋詩文集藏於家

侯中毓字位宏號人岳于趙六世孫方曾三子也  
幼失恃事繼母以孝聞事父兄嚴謹不苟嬉笑兄  
靜毓乾隆元年 恩貢以病卒遺孤呱呱中毓撫  
猶子教養不遺餘力素性端慤凝重好讀書弱冠  
遊庠文有大家風尤精詩律久不第遂屏意仕進

鍵戶著書泊如也以風教人倫爲己任遇子言孝  
遇弟言悌族黨多薰其德而化之晚益潛心易學  
間賦詩以寓意著有棣軒遺稿行世平生博極羣  
書內行純備內外無間言

侯宜良字潛谷號焱齋醇謹自持與人無忤貧而  
好學弱冠入庠食餼後益奮志竟以歲薦終平生  
好詩古文尤精長律晚更樂獎進後學每教生徒  
必曰非聖賢之書勿讀一時出其門者率多知名  
士焉

侯長松字松年號嵩岳紘之子太學生美丰姿好

讀書以早失怙不求進取嘗督修城工一力經營  
無弗周至邑侯李公重其才勸之仕對曰上奉老  
母下教諸兒家庭內自有真樂也李益高之平生  
廣交所友皆天下知名士善詩通音律聞吳越山  
水名勝輒買舟遊覽所至有題咏藏書數萬卷皆  
能默識所著有西園草一卷吳越紀遊一卷藏書  
志四卷

蘇兌字民望西肥村人家貧借於永城遂入永庠  
試屢冠軍博學工詩兼精柳帖教授睢州夏邑間  
成就者眾蔣太史曉房其及門士也著有介山詩

集書經補註爲學者所宗法

耿衷丹字幼長號橘亭康熙癸卯恩科副貢雍

正丙午解元明戶部員外瑛後裔也力行孝友嗜  
學好古舉丁未明通例用知縣以視老辭己酉奉  
檄爲山東考試官亦不就堂弟庠生早沒有子未  
週歲丹教養無異己出晚年從學者雲集蘭儀知  
名士多列科目共推爲橘亭夫子

潘樹藩字彤暉均之子性方正好讀書博學能文  
每試輒冠軍事親孝撫諸弟友愛居恒以禮法自  
持不欺屋漏與朋友交規勸無所回屈有直諫稱

乙丑歲邑侯王公修志敦請藩父秉筆採訪  
校與有勞焉屢困棘閤以例捐州同職晚年尤肆  
方於詩古文詞與邑中諸名士往來唱酬品望益  
重書畫丹鉛篆隸悉究心精妙卒年七十五所著  
有松雲草堂集課兒草藏於家

武功

晉

蔡豹字士宣高祖質漢衛尉左中郎將邕之叔父  
也祖睦魏尚書豹有氣幹歷官長樂清河太守元  
帝南渡以爲振武將軍臨淮太守遷建威將軍徐

州刺史初祖逖爲徐州豹爲司馬素易豹至是逖  
爲豫州而豹爲徐州俱受征討之任逖甚愧之是  
時太山太守徐龕以太山叛歸石勒遣其將王  
伏都張景等數百騎助龕詔征虜將軍羊鑒等與  
豹共討之豹欲進軍鑒固不許元帝勅豹鑒以時  
進討鑒執不聽尚書令刁協奏免鑒官委豹爲前  
鋒以鑿兵配之號沂衛將軍以責後效豹進據汴  
城欲以逼龕時石季龍屯鉅平將攻豹豹夜遁退  
守下邳徐龕襲取豹輜重於檀邱豹遂敗元帝使  
王舒收豹送至健康斬之時年五十二豹在徐土

內撫將士外懷諸眾甚得遠近情聞其死多悼惜焉

蔡裔字元子豹之姪也仕晉爲散騎常侍兗州刺史高陽鄉侯殷浩北伐使裔率眾出彭澤卒於軍中

### 五代

劉玘世爲宣武軍牙將梁太祖鎮宣武玘以戰功爲牙將累遷山南節度使王班爲亂軍所殺推玘爲留後玘僞許之明日饗士於庭伏兵幕中酒半擒爲亂者殺之襄州平末帝時爲晉州觀察留後



凡八年日與晉人交戰莊宗滅梁玘來朝莊宗勞之遣還鎮遂以爲節度使徙武勝軍以疾卒於道贈侍中

宋

戴興年十一歲以勇力聞里中及長身長七尺餘美髭鬚眉目如畫太宗在蕃邸興詣府求見奇之留帳下卽位補御馬左直遷御龍直副指揮使從征大原先登中流矢遷都虞侯契丹撓邊命興屯澶州以備非常端拱初領軍武鎮節度使興屯金帶鞍勒馬歷澶州天雄軍副都部署

二州時盜賊羣起會五巡檢兵討之踰月不能克  
輿陰勸所部潛出擊之擒戮殆盡遷殿前都指揮  
使太宗崩三上表求赴國哀不俟報上道以擅離  
所部左遷左領衛上將軍俄出知京兆府卒贈太  
尉

明

楊元珍元末人明初從襄陽率衆來歸授萬戶屢  
建奇功

張士能元末人洪武元年徐達募兵從征金山十  
一年從征飲馬河有功陞羽林中衛左所百戶十

七年奉命征討從收捕薊州克雄縣鄭州正定轉  
征廣武及白溝河大戰有功陞本所副十戶復征  
滄州哨館陶口獲糧餉頗多華梁水口對敵有功  
陞本所正千戶二十一年東昌夾河藥城大戰皆  
有功復征彰德定州西水口戰三日連破三大營  
有功陞本衛指揮僉事三十五年小河大戰齊眉  
山戰夜攻破營寨有功過淮河克儀真有奇功陞  
廣武衛指揮同知子孫世襲

崔源洪武初有戰功授都指揮使世襲孫鑑由山  
東籍登進士第

段建中字廣唐己卯舉人負性豪俠多力善射萬  
厯時四川兵亂選將甚急遂於武科特重建中於  
萬厯三十一年癸卯科中式三應焉而三中其選  
旋授本部節度使標下從事屢立戰功所至皆有  
威名陞任昌平州游擊叅府事昌平爲陵寢重地  
驅除盜賊卒保無恙朝議欲拜爲副將軍而建中  
適以煤暈歿任所人皆惋惜焉

國朝

王福字近山善騎射膂力過人山行伍初從巡撫  
吳景道題授本標千總從征曹縣榆園及叛將海

士行屢有軍功歷任廣東雲州海安水口水師副將右營都司僉事後於康熙七年與海寇力戰死之贈署遊擊事

賜祭葬子鎮國襲拖沙喇哈番

穆國輔字君佐初以將才從靖逆侯張勇拔授前營康熙初王輔宸作亂河東臨鞏秦蘭諸州咸附於賊國輔奉勇指畫爲先鋒恢復河東將進戰時黃河有鎖橋料敵必斷預令軍士各備渾脫以行

至金城賊果焚橋國輔身先士卒負渾脫以濟與

賊遇自辰至戌酣戰斬獲甚衆因先取臨洮擒叛

將王加祿等二十二人進攻鞏昌由是河東洮岷諸州衛悉平論功陞都司僉事十九年調大靖二十年

詔封懷遠將軍陞補太原鎮標左營叅將二十八年詔封驍騎將軍卒於官

張撫民字正吾居蓮花澗少驍勇智謀過人順治初江南昭武將軍王 募兵從征飛山寨叛逆踰月未降民與首領張旭定劫營計率精兵五百潛於曇靈寺乘機而發斬獲殆盡提督題請議敘授崇明水師營都司僉書事訓練有功陞鎮標叅將

康熙六年遇

覃恩誥封明威將軍越三載以病卒於官其子文淵字深  
功年十九魁偉精騎射有乃父風江南提督梁化  
鳳念其先績拔補金山營把總又蒙昭武將軍楊  
捷題陞本營千總且咨送兵部雜授陝西西寧鎮  
歸德堡守備值邊外有土番賊首藍占巴嘯聚千  
人入中原搶奪民間牛馬淵領兵勦除賊望風逃  
散遂擢西寧營遊擊緣病致仕旋里卒

楚國柱字廷勳景陽人也隨父來善遷杞中順治  
甲午科武舉辛丑科進士康熙己酉授天津衛

趙忠封懷遠將軍

印守備營屯田事務備有悍民結黨號二十四天  
聖者與兵爭國柱剔奸除蠹兵民得以相安擢江  
西吉安衛領運勒慎公直糧餉毫無舛錯遇

楚國樞字廷訓賦性英明與兄國柱齊名中康熙  
癸酉科武舉授陝西岷州衛守禦管理屯民地備  
氣寒盛夏常有冰雹害稼樞於每歲初夏備祭虔  
禱冰雹漸稀屯民借領倉糧千餘石貧不能完者  
甚衆樞不吝追比捐俸償補六百石有奇辦理軍  
需俱公正無私萬民奉衣列名致祝焉康熙癸巳



逢

覃恩封武畧將軍雍正丁未致仕回籍卒於家

李方坤字君珍由武舉爲撫標右營把總康熙庚午隨征吳逆恢復岳州有功授湖廣左鎮都督府左營千總己未復征吳逆首立戰功陞本營守備至庚申在常州與吳逆戰陣亡奉

旨誥封明遠將軍

姚國幹字子欽康熙丙午科武舉豪俠有膽畧隨溫兵部征勦吳逆過湘潭遇逆黨韓大任殲聚劫營幹奮擊斬獲數十人而身亦受傷溫欲據附近

益兵幹曰此鼠竊輩耳何庸益兵遂一鼓而身潰  
事

上聞擢江西豐城營崖石寨守備山民野性叛服不常幹  
多方安輯乃平有刊攜摘存錄行世江西提督許  
某有忌功意苛叅落職幹銜寃叩 關蒙

聖祖仁皇帝廷詢大悅親驗與吳逆戰傷癍痕嘉其忠勇  
賜御饌馬匹陞江南邳州河營遊擊遇

覃恩封懷遠將軍歷八載治河有功上憲方題請議敘年  
五十而卒

梁固邦字子仁閩人康熙丙午科武舉除浙江溫

州衛右所千總管理屯務時地荒民頑不務耕鑿

遊惰成習虧國帑千餘金前任因此舉誤者十有

三人邦抵任尙有廢員吳姓者羈留在衛邦念同

舟之誼捐俸代償猶不敷遂遣家人回籍變產爲

完所欠乃痛懲積習百計化導民皆樂生興事不

二年間田野大治國課裕如上憲知其廉能委署

都司方將大用值疾作請休去之日屯民愛戴奉

冠裳及攀轅圖以獻又立去思碑相與泣於其下

歸籍後士民數十人製黃旛書碑文爲壽其文曰

協理屯政恤佃撫丁捐俸塾解老幼沾恩又曰廉

潔寬仁振利裕餉除耗勸諭懷恩靡忘年七十有九卒

裴應賜初任部給署遊擊劄付管山東沂州營事隨征二任河南撫標中軍遊擊兼左營事

裴豫初任拖沙喇哈番遷整儀尉又遷鑾儀衛管理大馬輦整儀尉拖沙喇哈番

馬恬字平伯康熙丙子科武舉賦性純篤事繼母至孝其妹爲張潢妻家貧甚恬慨然給田二百畝庄基一處康熙癸未巡撫考驗多其技題授本省撫標右營守備有友張志遠係南京參客在恬營

內寄銀五百餘兩忽病死恬具衣衾棺木以殮旋寄書與其子及至出所寄銀付之令其扶櫬回籍每歲俸銀數百凡有兵丁衣食不給者盡爲捐賑一時孝義之聲達於遠邇年六十一致仕旋里卒於家

左宗魯字培元兆興集人幼英敏業儒應童子試常爲府縣首選偶赴武場輒入庠中康熙戊子科武舉壬辰科進士授四川夔州府梁萬營守備時民遭火災風烈益熾數百家危在頃刻魯虔誠拜禱旋風回火息民皆感謝又船戶有素號八杆船

者習於凶惡適孤客姓蕭乘舟不受詐騙遂羣毆  
推入水中幸衝至江岸未死督查江適相值詰問  
其由將船戶極刑重懲惡風漸息淮任三載勤勞  
坐病卒於官

翟溢字江永賦性英敏爲人輕財好義中康熙甲  
午科武舉授淮安府大河衛千總乾隆辛酉署淮  
安衛守備地瘠民貧歷年積欠千有餘兩溢皆代  
爲賠補又有名顧余胡者燒死草堆間溢至驗明  
夜宿羅伍天妃宮夢一人哭曰酒家害我覺卽拘  
本方酒戶內有名於陸雄者面目失色一審遂供

緣同飲見財起意民競竒之後致仕旋里房產之美者盡讓於兄及弟且命其子庠生國泰歲施棺木焉

務本字卓夫號萬年含珊子美手姿精武藝善左右射辛酉武舉戊辰成進士司塘務三年兵丁愛戴因母病告歸教四子俱成名

王三賓字廷客商邱籍授三等侍衛辦河務有功擢六安營守備抵任積弊盡除補松江守備署遊擊事時加訓練兵精勇倍常旋實授蘇州城守營遊擊差煩多盜賓捐俸數百修器械差暇操演巡

查不數月而兵精盜息復歷金山衛叅將蘇撫叅  
將陞江南督標中軍副將兵多寒苦出俸金制軍  
裝分三等考驗月餘而技皆精熟雍正甲寅歲大  
水賓白制府涉水賑濟均沾實惠母年高告終養  
回籍飲食必親手奉人皆謂忠臣出於孝子焉